

21

בְּשָׁס יְהוָה

EXISTENTIA PECCATI, OCCASIONE DICTI Rom. II: 15. ARGUMENTIS PHILOSOPHICIS BREVITER PROBATA,

QUAM

Consentiente Ampliss. Facult. Philosoph. Aboënsi,

PRÆSIDE

VIRO MAXIME REVERENDO & CÉLEBERRIMO

DN. ISAACO ROSS,

S. S. L. L. PROFESS. Reg. & Ordinario,

Pro GRADU

Publico examini modeste subjicit


GUSTAVUS ORRÆUS, And. Fil.

WIBURGENSIS,

Die XVII. Julii MDCCLX.

L. H. A. M. C.

ABOË, Impressit DIRECT. & TYPOGR. Reg. Magn. Duc.
Finland. JACOB MERCKELL.



A. *mag* Ω

§. I.



Xistentiam peccati, e lumine rationis, rimantibus nobis non male consuli putamus, si in limine dissertationis, quam vocabulo peccati subjiciamus notionem, evolvamus. Denotat autem nobis peccatum, quatenus ex ratione cognoscitur, non solum actionum humanarum seu liberarum aberrationem a via præceptorum legis Divinæ naturalis, sive fiat commissione sive omissione, sed etiam privationem a Deo primitus concreatae animæ perfectionis, atque corruptionem facultatum animæ talem & tantam, qua intellectus non solum ignorantia & erroribns laborat, sed voluntas etiam non modo circa amorem & odium DEI neutra est, verum & gravissime obluctatur, atque in promovenda sua aliorumque felicitate consiliis rapitur deviis. Dictum in sacris pandectis, cuius meditatione, cum Apostolus de hominibus agat revelato lumine desitatis, in hanc incidimus tractationem, reperitur Ep. ad Rom. II: 15. his expressum verb. ἐπινεὶς ἐδείκνυται τὸ ἔργον τῆς νόμου χειρὸν εἰ τοῖς καρδιαῖς αὐτῶν, συμφρονεῖσθαι αὐτῶν τῆς συνειδήσεως, καὶ μεταξὺ αὐτῶν τῶν λογισμῶν κατηγορεῖσθαι, οὐ καὶ ἀπλογεύμενων. Cardo quidem

quidem diū p̄cipue in eo versatur, quod Apostolus his
 verbis existentiam doceat legis naturalis, illamque verita-
 tem solidis his corroboret argumentis. I:o Quod gentes le-
 ge destitutæ mofaica interdum actiones edant, ductu rectæ
 rationis, legi mofaicæ conformes. Deinde quod hi, etiam
 si pervicacissimi sint homines, gaudeant tamen conscientia,
 h. e. facultate judicandi de actionum suarum moralitate:
 quod fieri non posset, nisi ipsis sensus esset legis, atque
 norma existeret actionum e lumine rationis indaganda. De-
 nique quod non solum gaudeant conscientia concomitante
 mala, quo referenda verba: μετέξυ αλλην τῷν λογισμῶν
 καπηρεύτων, sed etiam bona, cujus officium innuitur: με-
 τέξυ αλληλαι τῷν λογισμῶν ἀπλογεύμένων. Continetur ta-
 men in adductis argumentis etiam nostra thesis, videlicet
 existentiam peccati e principiis rationis investigari &
 cognosci posse: nam judicium conscientiæ mala concomitan-
 tis haud esset, nisi existerent actiones mala seu legi Div.
 nat. contraria, atque earum cognitio. Ut hæc evidenteriora
 evadant, vocum explicationem digito attigisse juvabit, &
 earum quidem tantum, quæ ad nostrum pertinent institutum.
 Primo intuitu vocabulum συμπερέση nostræ indagini se
 offert. Est hoc verbum a præpositione σὺν & μετεπέω, il-
 lud extra compositionem Stokio significat cum, apud, præ-
 ter, sed in compositione indicat societatem, commercium,
 communionem, & concomitantiam. μετεπέω, proprie
 significat aliquid de aliquo testari, quocunque modo fiat sive
 argumentis evincendo, sive sine illis nude testimonium red-
 dere, priori sensu adhibetur Joh. X: 25. posteriori Job.
 XVIII: 23. Att. XXVI: 5. Hinc verbi συμμετεπέω signifi-
 candi vis est, testari una & simul, sive fiat argumentis si-
 ve minus: in nostro vero dicto adhiberi de testimonio argu-
 mentis facto, dum infertur veritas conclusionis in ratioci-
 nio e præmissis quibusvis, patet ex indole conscientiæ,
 A 2 cum

eum qua l. voce eam significante construitur hoc verbum. Etenim nomen συνείδησις conscientia in sensu morali & pro actu mentis sumta notat judicium practicum de moralitate actionis nostræ, atque integro peragitur ratiocinio seu syllogismo, cuius major propositio *legem*, minor *factum*, continent, & conclusio *judicium* de actionis patratæ moralitate insert e præmissis. Qua in acceptione in dicto allato illud occurrere ipsa series orationis evincit. Omissis vocibus quibusvis intermediis, quæ vel pueris obviae sunt, de nomine λογισμὸν observamus, descendre illud ceu verbale a verbo λογιζομαι, proprie arithmeticis usitato, quod notat subducto calculo aliquid certi concludere. Hinc in N. T. metaph. significat, collatis utrinque rationibus, subducto vel ut calculo, aliquid certi statuere, logicorum more ex idoneis rationibus argumentando concludere. Facile hinc eruitur notio hujus vocis, quod significet cogitationem rei cujusdam, & ratiocationem e præmissis confectam. Κατηγορέντων particip. verbi compositi ex præp. κατὰ & ἀγορᾶ, vel ἀγορέω loquor, κατὰ hor loco in compositione significat, contra adversus, vid. plura Lexic. Stockii. ἀγορᾶ nom. subst. designans congregationem, conventum, forum & locum judicii, ex his coalescit verb. κατηγορέω, quod vi ethymi, ad versus l. contra aliquem in foro l. loco judicii loquor, innuit, hinc semper, speciatim in N. T. designat, accusare aliquem migratæ legis. Hunc loquendi modum forensem, si paulo attentius consideremus, accusare aliquem non modo cognitionem legis, & facti declinantis ab ea, sed argumentorum etiam, quibus quis peccati l. facinoris reus agit involvit. E quibus adductis dilucide patet, cognitionum se invicem accusationem, nihil aliud involvere apud gentiles, quam conscientiam concomitantem malam, quæ ratiocinio conficitur integro, in quo conclusio ex præmissis illata exprimit cognitionem l. cognitionem aberrantis facti

facit a norma legis, id est, peccatum commissum esse. ἡ
 καὶ ἀπλογερέων, ἡ. hoc loco est conjunctio disjunctiva de-
 notans, aut, vel. Disjungendi vim suam exercet in verb.
 seq. ἀπλογερέων, distingvendum enim est hoc prædicatum
 conscientia a verbo κατηγορέων conscientiæ attributa. Α-
 πλογερέων, conflatum ex ἀπό & λέγω, designat caussam
 dicere, excusare, tribuitque in dicto allato conscientiæ
 concomitanti eiquebonæ vid. Stockii Lex.

Cum ex effato Apostoli evicta sit veritas, gentes gau-
 dere conscientia certa concomitante mala, i. e. judicio se
 actiones commisso i. omisso e via legis Div. naturalis a-
 berrantes, eruitur hinc, sine formidine oppositi, thesis no-
 stra, gentiles & quemque hominem, qui recte calculos suos
 subducunt, argumentis e lumine rationis petitis convictos
 cognoscere peccata, statumque suum peccaminosum. Quip-
 pe alias gentilibus sine ratione tribuerentur cogitationes se
 invicem accusantes h. e. conscientia concommitans mala.
 Hinc præclare Lutherus in expositione hujus dicti differit,
 gentes non solum e lumine rationis peccata agnoscere, ve-
 rum insuper gradus cognoscere peccatorum, vid. comment.
 Bibl. Joh. Getz. de hoc dicto. Verum cum nihil omitti
 i. committi possit, nisi prælucente intellectu & decernente
 voluntate, atque ea sit lex perpetua voluntatis, ut nihil ap-
 petat, nisi sub ratione boni, nihilque averetur, nisi sub ra-
 tione mali; quippe ignoti nulla cupido, per exper. & prin-
 cip. Psychol. sequitur ex effato Apostoli e lumine rationis
 cognosci non solum corruptam esse naturam humanam, qua
 voluntatem, sed insimul intellectum. Porro cum corruptio
 non solum involvat privationem perfectionis inesse debitæ,
 sed insuper inclinationem ad mala quævis moralia, sanæ au-
 tem rationi proflus inimica sit propositio, DEUM creasse ho-
 minem peccati vitio contaminatum; efficitur ex dicto hoc

Apostoli, e lumine rationis quoque cognosci, hominem perfectiorem fuisse creatum, quam conditionem ejus praesentem esse comperimus. Id interim probe tenendum est cognitionem & sensum peccati dilucidius e Sacr. Script. hauriri. Quum vero in existentia peccati ex solis rationis principiis indaganda & demonstranda tenues vites ingenii periclitari jam animus sit, tuam, benebole lector, misericordem ut conaminibus praebas censuram nostris, etiam atque etiam rogamus.

§. II.

Omnes homines sunt servi DEI, atque ad voluntatem ejus actiones liberas conformare tenentur.

Pendere creata omnia intuitu existentiae & continuationis ejus in solidum a Deo, Eundem concursu suo activitatem creaturarum sustentare, creature ad eo nihil habere quod Deo non debent, ex Metaphysicis, ceu demonstratum supponere liceat. Quum igitur Deus sit independens, nihilque voluntati ejus resistere queat, patet Deo competere jus illimitatum pro arbitrio suo disponendi de omnibus quae creata sunt, & quae modo quocunque ad ea pertinent, sed ejusmodi jus dicitur summus gradus dominii Cantz. Mor. §. 1701. Deo itaque sumnum in creaturem competit dominium, hinc nec homines inde eximi possunt. Qui vero est in dominio alterius nuncupatur servus ejus, patet ergo homines, in solidum esse servos Dei. Idcirco dubium non est, quin Deo jus competit illimitatum in omnes actiones hominum liberas. Sed omnis juris correlatum est obligatio passiva, quae est necessitas moralis ad aliquid agendum l. patiendum Cantz. Mor. §. 58. quapropter omnes actiones liberas homines ad voluntatem Divinam conformare tenentur.

DEUM

DEUM ceu finem velle gloriae suæ manifestationem, & quod ei contrarium est maxime aversari, i. e. obscurationem gloriae suæ, similiter in Metaph. demonstratur; obligantur ergo homines ad actiones liberas ita dirigendas ut manifestetur gloria Ejus, & illius obscuratio evitetur.

Ex allatis porro deducitur, non solum officii esse ut homines edant actiones, per quas divinæ innotescant perfectiones, sed argumenta quoque & motiva actionum ex iisdem desumant: sic ejus justitia non modo docet suum cuique tribuendum esse, sed argumentum etiam impellens præbet, hoc attributum Divinum actionibus nostris declarandi. Eodem modo bonitas ejus de aliorum perfectione quaerenda & monet & ad eandem movet, siveque in ceteris.

§. III.

Homo obligatur ad colendum DEUM actionibus suis liberis, tam internis quam externis.

Cultus DEI consistit in actionibus, quorum motiva sunt perfectiones Divinæ pr. princ. Phil. pract. Ex §. præced. adparet quod homo, uti est totus servus DEI, ita teneatur ad Divinas Illustrandas perfectiones, hinc etiam ad motiva desumenda omnium actionum liberarum e perfectionibus Divinis, in quo per def. cultus Divinus consistit. Porro quemadmodum homo duabus constat partibus, anima & corpore; sic opus est utriusque actionibus DEUM collere. Actiones vero quæ ex Divino perfectionis motivo suscipiuntur & animo inhærent, cultus Divinus internus, quæ vero corporis interventu foras prodeunt, cultus DEI nuncupatur externus, ad utrumque igitur DEI cultum homo obligatur. Ad illum DEUM colendi modum referuntur: certa & viva cognitio DEI. Amor DEI, qui in promptitudine constitutus

sistit e perfectionibus Divinis, in se, & quatenus ad nos referuntur, voluptatem percipiendi. *Timor DEI*, qui sollicitudo nihil contra Divinam agendi voluntatem. *Fiducia*, quæ gaudium est de bono per DEUM certo obtainendo. *Invocatio mentalis*, quæ consistit in desiderio suæ felicitatis per DEUM certo obtainendæ, & mali ejusdam avertendæ. *Gratiarum actio*, quæ est recordatio beneficiorum a Deo in nos collatorum, & illi facta reciproci amoris contestatio. De quibus phil. pract. uberior. Ad cultum externum pertinent oratio seu preces, gratiarum actio oralis, Celebratio. Huc referendus est cultus Div. publicus, quem constituant actus externi, qui statuto tempore & loco in hominum frequentia peraguntur. Ex his allatis luculenter adparet, cum cultus externus haud aliud esse possit quam demonstratio cultus interni actibus legitimis externis facta, illum ab hoc non esse divellendum. Cultus Dei immediatus est, qui a perfectionibus Divinis motiva sic petit, ut sublatis his nulla susciperetur actio. Cultus mediatus appellatur, qui quidem a Dei perfectionibus agendi motiva in omnibus desumit: at ita, ut his sublatis tamen agendi, quamvis viliora, motiva superessent Cantz. disc. mor. §. 543. sic religiosus cibum in nomine Dei capit quidem nec eo abutitur: caperet vero nihilominus, si atheistus vel maxime esset. Demonstratum ivimus §. II. voluntatem Divinam & gloriæ manifestationem determinate omnes hominum actiones liberas, & per demonstrata hujus S. patet, nos obligatos esse ad Deum colendum tam internis actionibus quam externis; Hinc prono sequitur alveo cultui immediato jungendum esse mediatum. Unde dilucide patet, qua ratione tota hominis vita possit, ac debeat esse cultus Dei continuus. Non bis hæc pro instituto sufficiunt, plura qui desiderat consulat morum script. Cantz. Tract. Secund. disc. I. part. 2. de Theol. Nat. pract. Schub. phil. pract. Ethic. Sect. 3. de Offic. erga Deum. §. IV.

Lopp es libeo mutinam §. IV.

Homines obligantur ad suam pariter ac aliorum felicitatem promovendam.

Finem creationis secundarium esse felicitatem creaturarum, in primis hominis, ipsoque, tanquam ente rationali, finem primarium carere non posse, nec minus ejus felicitatem indulso nexo cum manifestatione gloria Divinæ cohærere, feliciter satis evincunt Metaphysicorum filii. In aperto proinde est, Deum velle omnium hominum felicitatem, cum ratio discriminis nulla sit; idcirco extra aleam dubitationis positum est, Deum etiam media velle hujus finis, i.e. ut homines actiones suscipiant, quibus perfectionem & felicitatem suam promoteant. Cumque per experientiam pateat, ex aliorum actionibus, in felicitatem hominum plurimum boni, vel mali redundare, sintque adeo illæ media ejus promovenda, (a) non potest non Deus velle ut actiones non ad nostram modo, sed etiam aliorum felicitatem dirigamus. Si igitur obligati sunt homines ad actiones suas secundum voluntatem Divinam determinandas, quod supra probatum, dubitari nequit, quin ad suam aliorumque felicitatem promovendam adstringantur.

(a) Hanc experientiam dilucide explanavit S:æ R:æ M:is Svecia Archiater CAROLUS LINÆUS in sermone habita in Acad. Scient. Holm. A:o 1730.

Concessis in creando & providendo finibus Divinis, quos supra tetigimus, si vellet quis contendere, hominem a Deo primum creatum non habuisse intellectus & voluntatis vires perfectas ac ad eosdem sufficientes, sequetur Deum aut non potuisse: aut noluisse homini has vires

ingenerare; prius subsumptionis membrum cedit eo, quod Deus nec per sapientiam potuisset eligere hunc finem nec creare, si media ad finem obtainendum sufficientia nec a Deo produci potuissent, nec subordinari; liquet ergo DEUM potuisse. Posterius vero, si noluisset Deus homini concedere vires sufficientes, corruere vides eo, quod qui vult finem, velit etiam sufficientia media, nec aliud permittit sanctissima Divina voluntas, quæ semper ad optimum fertur. Porro ex allatis & demonstratis in §. II. III. IV. constat DEUM obligasse hominem ad utrumque finem promovendum, si jam obligavit, nec vires finibus concessit sufficientes, obligavit sane hominem ad impossibilia, ad quæ nulla datur obligatio per canon Phil. Moral. quod absurdum, qua propter nihil remanet aliud nisi DEUM homini creatrice manu tantas suppeditasse vires, quantæ satis essent, atque in hoc statu totam vitam hominis fuisse cultum Numinis continuum & felicem.

§. VI.

Corrupta hominis natura est defectus virium, seu naturalis potentia, bonum unice verum appetendi, & malum unice verum aversandi; natura generatim nobis significat vim hominis secundum facultates sibi concessas operandi. Haec facultates tendunt in veri cognitionem, & boni appetitum, & quamdiu vis adeat verum a falso discernendi, bonum appetendi, & malum aversandi, natura est integra, ubi vero vis illa sic limitata est, ut effectus hi obtineri nequeant, ibi datur naturæ corruptio. Jam causa in eo vertitur nostra, ut ostendamus convulsos esse homines de pristino statu, eosque defectu laborare virium necessiarum, i. e. naturam humanam esse corruptam, hinc in statu præsenti neque totam vitam nostram esse continuum Dei cultum, nec felicem, sed Deo valde exoram. Institutum

tum nostrum, ut felici successu exsequamur, in genere de morbis animæ humanae quædam dicere non alienum ducimus. *Accidentalis animæ perfectio*, consistit in habitu objecta distincte cognoscendi, bona vera seu distincte cognita appetendi, & mala distincte cognita aversandi, illa perfectio intellectus est, hæc voluntatem ornat, illam quod attinet non esse generi humano integrum, cuique tenuis erit tristis quotidiana experientia; reperitur enim, quod simpliciorum numerus sit frequentior, quam illorum, quos subtiliora capita prædictaque acumine dixeris; etenim multi dantur phryges, quorum omnis cognitio variis est obstructa difficultatibus; quid? quod reperiantur homines, qui a prima natali die usu destituti sunt sanæ rationis, vel illum, excedentes ex ephebis, amiserunt, sed velim perpendas, an hæc lugubris experientia locum habuisset, si homo eodem statu constitutus esset, ac cum primum initium e manu cepit Creatoris? Nec hoc loco prætergrediendum id, quod longissime differant ipsæ facultates homini congenitæ, & earum usus haud impeditus; hunc enim non possidet homo ex se, nisi exitatus & adiutus, constituant illæ tantum rudem & indigestam molem; adeo ut, quidquid in homine jam adulto ceu pulchrum, & eximum admireremur, id omne variis adquisitum esse exercitiis jam dudum commonstraverit experientia. Leg. Waller. Psychol. Empir. Pars. I. Sect. II. Cap. V. Exemplis hæc abunde confirmari possunt hominum adulorum inter se feras solitarie educatorum, quos nobis ingenuæ descripsérunt, testes oculati & fide dignissimi. Memoria dignum in primis est exemplum, ad quod in operibus suis provocat Wolfius, pariter ac Carpovius in Theol. Dogm. Tom II. §. 1450. Schol. 3. Memoriæ prodidit Bern. Connor anglus, ad finem seculi superioris Archiater Regis Polon. tum in Evangelii medici, cum descript. Regn. Polon. & M. due. Lithuania. Germ.

sonscript. Libr 1. p. 389. seq. de puer decem circiter annorum, inter gregem ursorum in nemoribus ad Lithuaniae & Russiae confinia, A:o 1694. capto, & inter ipsos educato, erat is adspectu horridus & ferus, hominum consortium fugiens, adeo ut cicurari primum & mansueti debet. Incedebat quadrupes rationis nulla prodebat indicia, omnis loquelæ erat expers, donec sensim dapibus humanis adsuetum magno negotio loquela & gressum quidem humum edocere potuerunt, sed ad se tandem, ex consortio hominum post longum temporis, rediens, memoria tamen praeteritorum omnium atque pristinæ vitae prorsus mansit destitutus. Aliud haud absimile exemplum narrat nobis Ch. Hartknochius. Professor Regio montanus in descript. Reip. Polon. p. 99. quorum plura exempla adduci possent, sed sufficiat his tantum addidisse exemplum triginta puerorum olim solitariae ex instituto Regis Magor educatorum, quod exemplum latius diductum vid. apud. Job. Leyden. in Philolog. Hebr. circa veteris test. p. 197. & 198. Imo si acerrima ingenia & literis perpolita consideramus, quæ quidem ob abdita investigata simpliciores summe veneficantur; non tamen defectuum & corruptionis deerunt monumenta maxima. Sic ne nnicus quidem e tota serie philosophorum lumine revelationis substitutorum in publicum prodiit, qui non gravissimis erroribus de Deo rebusque practicis ductus fuerit; etenim diligenter gentilium persensis in histotia lit. obviis opinioribus, videmus illas labi affectas fuisse vel Atheismi, Fatalismi, l. Deismi, Antropomorphismi, Superstitionis, & Idolatria. Sic olim Aegyptii Divino venerabantur cultu Iasini & Osridem. Persæ Iolem, Germani, Græci, & Romani Jovem religiose prosecuti sunt. Ceterum catalogum prouicum deorum gentilium reliquerunt nobis antiquitatum scriptores. Gentes septentrionales Oden, Tbore, & Frigga, Americani Pascacama, Indiani Ispara venerati sunt, & sic por-

70. Legi hic merentur Joh. Laur. Mosheimii Instit. Hist. Christ. antiquioris. Sec. I. pars I. Cap. I. Item dissertatio Hendr. Gabr. Portani hoc insignata titulo: Revelationi quid debeat philosophia nostra. Hæc sordida pristini gentilismi fuit facies. Ad nostrum quod attinet ævum, testantur itinera ad exoticas gentes instituta, illas hodie non melioribus uti sacris. Sed quid mirum de gentilibus, cum in medio Christianismo reperiantur variæ hæreses & opinio-
num portenta, de quibus scripta eorum testimonium perbi-
bent, reperiuntur athei practici, qui sine atheismo theoreti-
co quantumvis subtiliori, h. e. defectu cognitionis Numinis
vivæ & efficacis, esse nequit. Porro quam corruptus in-
tellectus sit humanus videre licet in primis puerorum æta-
tulis, qui difficulter, ad utiles discendas artes, scientias
que perducuntur, & a virtijs avocantur suis. Licet enim
jargiamur feliciora dari ingenia, quæ minori ducantur nego-
tio, non tamen ad hæc solidis commoventur argumentis ut-
pote gloria divina promovenda, felicitate propria, atque
publica, sed rapiuntur potius vanæ gloriæ cupidine, aliis-
que pravis inclinationibus, de qua deinde vita eorum vi-
tiis contaminata, & pseudopolitica testantur. Ulterius,
quantopere mens nostra ad errores declinetur, qui partim
titillationibus sensuum & vehementiæ phantasiarum, partim
præcipiti judicio debentur, cuique testis sit propria consci-
entia; alioquin enim tot prodigia opinionum & deliria
præjudiciorum hanc nobis catervatim occurrerent, & quo-
que vana esset copiosa illa logicorum tractatio de fallaciis
mentis humanæ, quas non felicitas ingenii detexit, sed tri-
stis experientia exaravit. Adhuc, de sapientia humana id
sine formidine enunciare licet, quod plerumque illa non
modo in fines feratur a vera felicitate deflectentes, sed e-
tiam ad hos perversos, instrumenta amplectatur incommoda;
eleganter igitur pro more suo dixit Horatius: dum vitant
B3

stulti vicia in contraria currunt. Serm. II. Dilucet res in exemplo avari de qua re vid. Joh. Fred. Krygeri Theol. Nat. pars. 3. Cap. IV. de statu homin. nat. Denique utiles & speciosissimæ humanæ artes, inventa non esse Philosophia, sed fructus providæ curæ divinæ monstrant historię. Sed nec voluntatem meliori esse conditione, imo turpissimis scatere nævis tristis cuique testatur experientia. Sic id jure imprimis appetitui vertitur' vitio, quod non modo per sære sanæ rationis in libidinem excutiat dominum, sed etiam intellectum in servitute teneat exosa, qua sit, ut quantumvis sære numero videamus, quid optimum, motivisque indubitatim præbeamus assensum, ad opposita tamen ruamus vitia, contra canonem in natura mentis fundatum, voluntas nihil appetit nisi sub ratione boni, nec quidquam aversatur nisi sub specie mali. Id porro ex ea labe haud parum confirmatur, qua voluntas nostra in appetendo bono & malo aversando non fortiter satis præmiis & poenis movetur cum naturalibus, tum positivis, quantumvis sære numero oculis obverfentur. Ex adductis itaque certo certius inferuntur facultates animæ valde esse corruptas.

§. VII.

Homines peccasse, seu actionibus suis legem violasse divinam paucis commonstremus. Omnes homines obligatos esse ad cultum divinum, tam actionibus internis quam externis declarandum, nec non ad cultum immediatum & mediatum monstrat §. III: Egimus §. IV. de obligatione hominis non ad suam modo, sed & aliorum felicitatem promovendam. Liquet hinc obligatos esse homines ad præstanta omnia officia erga DEUM, se ipsis, & alios, nullo excepto, sive fieri possint cogitatis, decretis, dictis, i. factis, vel quoconque motu corporis. Cum porro demonstratum sit

§. II. DEO competere dominium & jus illimitatum in actiones nostras liberas, ut proinde servi simus Ejus, Eum denique ratione voluntatis sanctissimæ dubium non sit omne velle bonum, adeoque exactissimam quoque convenientiam actionum liberarum cum finibus suis, seu voluntate in natura manifestata, quæ lex divina appellatur naturalis; sequitur sane evidentissime eum exactissimam requirere conformitatem cum illa ipsa lege sua. Quod si jam actiones nostras liberas quas I. commisimus I. omisimus seu adhuc suscipimus, cum iis, quæ hæc lex postulat, contendimus, deprehendimus, neminem esse unum, qui illam exactissime servet. Qui dubitat, examinet modo cum suas, tum aliozum actiones, tam internas quam externas. Postulat v. g. Lex ut illum colamus §. III. quod necessario certam & vivam supponit cognitionem de DEO, Ejus unitate & attributis, sed quis negare potest dari *fatalitas*, qui obligationem Divinam penes hominem ad alias actiones omittendas, alias committendas destruunt Wolf. Theol. Nat. pars post. §. 543. Quemadmodum DEUS est unus, ita nec plures religiones veræ dantur, sed unde idolatria & reliquæ perversæ de DEO opiniones, quas §. VI. allegavimus, unde tot diversæ religiones in mundo, si homines vere DEUM colerent. Dantur etiam homines non tantum gentiles, sed etiam e Christianis, qui actiones edunt, quibus omni-scientiam-potentiam & omni-præsentiam Divinam se vel ignorare I. negare demonstrant. Porro obligatus cultus divinus, ut deum supra omnes creaturas intensissime amemus, sed unde nobis obvii homines DEUM verbis I. factis blasphemantes, qui I. cultum Divinum omnino omittent, I. si observant id solum faciunt, ut rebus potiantur vanis & fluxis, quæ sibi in deliciis sint. Ulterius requirit cultus DEI, ut fiduciam in eo colloquemus, in ejusque voluntate acquiescamus. Si hoc, quid divitiæ peteremus incertas,

eas, quid periculis, saepe minimis, animum perderemus, quid de infortunio nostro angeremur. Cultus divini actus externos asserimus non esse ab internis divellendos §. III. ostendimusque ead. §. cultum mediatum immediato esse jungendum. Verum quot, quæso, dantur homines qui cultum DEI publicum & externum aut negligunt, aut actus saltē religiosos peragunt aliena pro�sus mente, vel etiam illos creatis tribuant rebus. Quod ad cultum mediatum attinet, negari haud potest, homines voluptati propriæ & libidinibus tantum indulgere, ut negligent fines Divinos & motiva e perfectionibus Divinis desumpta. Hinc ebrietas, & abusus quivis creaturarum. Porro si felicitatem nostram dextre promoveremus, unde tanta ignorantia veri boni, tam segnis a vitiis avocatio, unde neglectus temperantiae & famæ, unde denique ~~avocatio~~ tam directa quam indirecta. Denique injungit nobis lex naturalis, ut suum cuique tribuamus, neminem lèdamus sed felicitatem aliorum promoteamus §. IV. si igitur hæc sancte custodiremus, quid injusta via ad honores properaremus? Si neminem lèderemus, sed quisque alteri, quod ipsius est tribueret. Unde lites, disceptationes, judicia, unde cædes, furtæ, mendacia? Si alios vere perficeremus, unde dolus, simulata amicitia aperæ inimicitia, unde clandestinæ obrectationes, & malæ suspiciones? quæ omnia, si calculos rite subducimus, sat sufficiunt ad demonstrandam illam nunquam fatis deplorandam veritatem nos legem migrare Divinam. Hinc ipsi gentiles de' necessitate quadam peccandi queruntur eaque neminem solutum esse uno fere ore confitentur, quemadmodum ex scriptis eorum ostendit Pfannerus (a) Peccavimus omnes inquit Seneca (b) alii graviora, alii leviora, alii ex destinato, alii forte impulsi. Nec delinquimus tantum, sed usque ad extremum ævi delinquemus. Constat id porro ex illorum instinctu sacrificandi (c) & pro-

** 17 (**) **

propensione eorum ad revelationes quantumvis spurias, quærendas & amplectendas (d) Quid? quod in ipsis quoque infantibus pravas inclinationes deprehendi agnoverunt, quæ non per exempla demum aliorum in illis excitantur, sed congenitæ ipsis videntur. Hinc signanter ait Tufydidæ, ingenitum natura est nobis, & publice & privatim delinquerre, confr. Pfannneri L. C.

Notus etiam est versus Horatii, vitiis nemo sine nascitur, optimus ille est, qui minimis urgetur. (g) Hinc Juvenalis dicit, quisnam hominum est, quem tu contentum videris uno flagitio (h) Ovidius, multa miser timeo, quia feci multa proterve, exempli metu torqueor ipse mei (i). Eleganter etiam hanc in rem differit Isocrates in lib. *πεντη*. Cum diligentiam commendat ad eruditionem comparandam, quæ corruptæ naturæ vitiis medicina adferatur dicens Μόλις γαρ ἀν τοις εἰς τούτης τῆς επιμέλειας ταῖς τῆς φίσεως αμάξης επιχρήσεις (k). Idem alio loco dicit: Nam cum alii nec Deos omni crimine carere putent, me gloriari puderet nos nihil unquam peccavisse. (l) Agnoverunt Denique hanc veritatem omnes illi gentilium Philosophi, qui duo principia omnium rerum statuerunt unum Bonum alterum malum.

G. D. T. O. M.

(a) *System. Theol. gent. Prioris C. 9. de peccato.*

(b) *De Clementia L. I. Cap. VI.*

(c) *Confr. Getzelii Diss. de hac materia Ups. 1670. habo sub presid. Scheffere.* (d) *Confr. Holmanni überzeug von Gott, und der Schrift p. 300. seq.* (g) *Satyr. L. I. satyr. 3. p. 113.* (b) *Satyr. 13.*

(i) *Ovid. Lib. I. de amore.*

(k) *Prima Clas. admonit. ad Demoniacum.*

(l) *L. Cis. Epist. ad Regem Philipp. p. 803.*

FRATRI DILECTISSIMO.

Inde a prima pueritia multis adeo fortune Novae difficultatibus iterum iterumque agitati fuius, ut spes omnis et mergendi plane sublata videbatur. Patre nostro, dum vivit, carissimo, post funera autem jam desideratissimo, citius orabati fuius, quam Paternis beneficiis frui licuit. Facile igitur evenire potuerat, ut Musarum delubris valere jussis, (omnes enim industria fructus perditi videbantur) aliud vice genus elegeremus, nisi Summus rerum arbiter nobis paternam experiri curam permisisset in quibusdam benignis propinquis, adstet nos fore fortis miserantibus. Verbis autem exprimere non possum, quanto perfundar gaudio, cum TE, carissime frater, alterum specimen ingenii pro laurea rite obtinenda in lucem nunc editinrum animadverto. Hisce blandis enim indicis propitiam quoque mihi aliquando pollicor fortunam; quippe ut communibus haud ita pridem Borgoe fruebamur studiis, ita pares in litteris me facturum progressus spero, si tunc modo vestigis rite insistere queam. Interea gratulor TIBI fertum laureum post tot tantosque labores, frequentes vigilias, & purimas adversitates, tempora tua reimitur. Quod reliquum est, non intermitteas unquam perces, calidis animatae suspiris, ad Summum DEUM pro tua perenni felicitate fundere, serioque vovere velit TIBI premia, virtute tua ac doctrina, digna propediem concedere satissima. Hac ex intimo corde adprecatur

TUUS

frater fidelissimus,

ANDREAS A.

ORREUS.